



Universitätsbibliothek Paderborn

Cavtio Criminalis, Seu De Processibvs Contra Sagas Liber

Spee, Friedrich von

Francofurti, 1632

5. An contra Excepta formare liceat processum pro arbitrio.

urn:nbn:de:hbz:466:1-11133

D V B I V M V.

*An igitur contra excepta formare liceat
Processum pro arbitrio?*

RESPONDEO, Non licet.

RATIO est. Etsi enim ut iam dixi Excepta sunt ab eo, quod humanæ leges Positiuæ, non tamen quod humana ratio seu lex naturalis præscribit. Itaque qualiscunque tandem contra ea Processus fiat, siue intra seu extra communem ordinem iuris, huiusmodi tamen fieri necesse est, in quo nihil sit omnino, quod cum recta ratione contendat. Clarum id est per se, nec indiget probatio: Nemo enim dicet, licere aliquid, quod sit contra rationem. Moneo autem ea causa, quia animaduerto, Iudices quosdam, dum contra Sagas inquirunt, liberiores esse quam oportet, excusantes omnia per hoc, quod sit crimen Exceptum. Itaque si futilia habuere indicia, si modum excessere in torquendo, si nimis creduli fuere, si negauere defensionem, & similia, quæ à ratione deserūtur, identidem hoc velut scutum ob-

obiiciunt; Exceptum fuisse crimen, in Exceptis amplissimam esse arbitrandi libertatem, prout deinceps hinc inde saepius inspergam. Sed nisi plane iniqui esse velimus, illud sibi omnes Iudices velut generale quoddam principium atque inconcussum axioma praefixum habere debent, *in omni criminе seu excepto seu non excepto aliter Processum formare non licere, quam recta ratio permittat.* Deinde vero falsissimum quoque est licere in exceptis ab *Omnibus* simpliciter recedere, quæ à legibus positius prescripta sunt. In *Quibusdam* tantum licet, non *Omnibus*; neque enim aliud ex solo iure colligi poterit: ut proinde satis hinc arguatur multorum imperitia, ac bene doceat *Farinacius q.37. n.90.* hanc doctrinam, quod in exceptis liceat ordinem iuris negligere, vel strictè loquendo esse *falsam*, vel intelligi solum oportere *de punitione tantum*, quando iam non amplius queritur, sed cum constat de delicto, quasi haec seuerior esse possit, quam communiter alioquin leges prescribant, & hanc esse senten-

tiam

12 Dub. VI. *An bene faciant Principes Germaniae,*
tiam plurimorum Doctorum quos cit-
tat, & nos breuitatis causa omittimus:
lege de hoc etiam *Mascardum* vol. 3. concl.
13II. Sed quicquid sit, neque enim hic
hærere lubet, id extra controuersiam
est, non licere in exceptis quicquam,
quod recte rationi aduersum sit.

D U B I V M . VI.

*An bene faciant Principes Germaniae, cum
in crimen Sagarum acriter procedunt?*

RESPONDEO, Longissime absit à me,
ut arguam Magistratus, cum vehe-
menter in hoc crimen se concitant: vo-
luit eos imperare nobis Deus & nos pa-
rere. Rationes suas habent, quas confi-
liarij iis dictant, & sunt istæ:

RATIO I. Purgant (ut aiunt) Remp.
ab insigni peste, quæ ut cancer serpit &
contagione nocet.

RATIO II. Anteuerunt damna &
clades, à quibus machinandis mancipia
illa Sathanæ nunquam cessant.

RATIO III. Satisfaciunt officio suo,
& vocationi: Sic enim Apost.ad Rom. 13.
loquitur de Magistratu: *Non sine causa*
gla-